॥ तैत्तिरीय ब्राह्मणम्॥

॥चतुर्थः प्रश्नः॥

॥ तैत्तिरीयब्राह्मणे द्वितीयाष्टके चतुर्थः प्रपाठकः॥

जुष्टो दर्मूना अतिथिर्दुरोणे। इमं नों यज्ञमुपं याहि विद्वान्। विश्वां अग्नेऽभियुजों विहत्यं। शृत्रूयतामा भेरा भोजंनानि। अग्ने शर्धं महते सौभंगाय। तवं द्युम्नान्यंत्तमानिं सन्तु। सञ्जांस्पृत्य सुयममा कृणुष्व। शृत्रूयताम्भि तिष्ठा महा सि. अग्ने यो नोऽभितो जनंः। वृको वारो जिद्या सित॥१॥

ताइस्त्वं वृत्रहं जिहि। वस्वस्मभ्यमा भेर। अग्ने यो नी-ऽभिदासंति। समानो यश्च निष्ट्यः। इध्मस्येव प्रक्षायंतः। मा तस्योच्छेषि किश्चन। त्विमेन्द्राभिभूरंसि। देवो विज्ञांतवीर्यः। वृत्रहा पुंरुचेतंनः। अप प्राचं इन्द्र विश्वारं अमित्रान्॥२॥

अपापांचो अभिभूते नुदस्व। अपोदींचो अपंशूराधरा चं ऊरौ। यथा तव शर्मन्मदेंम। तिमन्द्रं वाजयामिस। महे वृत्राय हन्तंवे। स वृषां वृष्भो भुंवत्। युजे रथं गुवेषंण् हिरिभ्याम्। उप् ब्रह्मांणि जुजुषाणमंस्थुः। विबांधिष्टास्य रोदंसी महि्त्वा। इन्द्रों वृत्राण्यंप्रतीजंघन्वान्॥३॥

ह्व्यवाहंमिभमातिषाहम्। रक्षोहणं पृतंनासु जिष्णुम्। ज्योतिष्मन्तं दीद्यंतं पुरंन्धिम्। अग्निः स्विष्टकृतमा हुवेम। स्विष्टमग्ने अभि तत्पृंणाहि। विश्वां देव पृतंना अभि ष्य। उरुं नः पन्थां प्रदिशन्विभाहि। ज्योतिष्मद्धेह्यज्ञरं न आयुंः। त्वामंग्ने हविष्मंन्तः। देवं मर्तास ईडते॥४॥

मन्यें त्वा जातवेदसम्। स ह्व्या वेक्ष्यानुषक्। विश्वांनि नो दुर्गहां जातवेदः। सिन्धुं न नावा दुंरिताऽतिं पर्षि। अग्नें अत्रिवन्मनंसा गृणानः। अस्माकं बोध्यविता तनूनांम्। पूषा गा अन्वेतु नः। पूषा रेक्ष्रत्वर्वतः। पूषा वाजरं सनोतु नः। पूषेमा आशा अनुंवेद सर्वाः॥५॥ सो अस्मार अभंयतमेन नेषत्। स्वस्तिदा अधृंणिः

सो अस्मा अभयतमेन नेषत्। स्वस्तिदा अघृंणिः सर्ववीरः। अप्रयुच्छन्पुर एंतु प्रजानन्। त्वमंग्ने सप्रथां असि। जुष्टो होता वरेंण्यः। त्वयां यज्ञं वितंन्वते। अग्नी रक्षा श्रेसि सेधति। शुक्रशोंचिरमंत्र्यः। शुचिः पावक ईड्यः। अग्ने रक्षां णो अश्हंसः॥६॥ प्रति ष्म देव रीषंतः। तिपंष्ठेर्जरों दह। अग्रे हश्स् न्यंत्रिणम्ं। दीद्यन्मर्त्येष्वा। स्वे क्षये शुचिव्रत। आ वांत वाहि भेषजम्। वि वांत वाहि यद्रपंः। त्वश् हि विश्वभेषजः। देवानां दूत ईयंसे। द्वाविमौ वातौं वातः॥७॥

आ सिन्धोरा पंरावतः। दक्षं मे अन्य आवातुं। परान्यो वातु यद्रपः। यद्दो वात ते गृहे। अमृतंस्य निधिर्हितः। ततो नो देहि जीवसें। ततों नो धेहि भेषजम्। ततों नो मह आवह। वात आवातु भेषजम्। शम्भूर्मयोभूर्नो हृदे॥८॥

प्रण् आयूर्षि तारिषत्। त्वमंग्ने अयासिं। अया सन्मनंसा हितः। अया सन् ह्व्यमूंहिषे। अया नो धेहि भेषजम्। इष्टो अग्निराहुंतः। स्वाहांकृतः पिपर्तु नः। स्वगा देवेभ्यं इदं नमः। कामों भूतस्य भव्यंस्य। सुम्राडेको विरांजिति॥९॥

स इदं प्रतिं पप्रथे। ऋतूनुथ्मृंजते वृशी। काम्स्तदग्रे समंवर्त्ताधि। मनंसो रेतः प्रथमं यदासींत्। स्तो बन्धुमसंति निरंविन्दन्। हृदि प्रतीष्यां क्वयों मनीषा। त्वयां मन्यो स्रथंमारुजन्तः। हर्षंमाणासो धृष्ता मंरुत्वः। तिग्मेषंव आयुंधा सुर्शिशांनाः। उप प्रयंन्ति नरों अग्निरूपाः॥१०॥

मन्युर्भगो मन्युरेवासं देवः। मन्युर्होता वर्रुणो विश्ववेदाः। मन्युं विशं ईडते देवयन्तीः। पाहि नो मन्यो तपंसा श्रमेण। त्वमंग्ने व्रत्भृच्छुचिः। देवार आसादया इह। अग्ने ह्व्याय वोढेवे। व्रतानुबिभंद्रत्पा अदाभ्यः। यजां नो देवार अजरः सुवीरंः। दध्द्रत्नांनि सुविदानो अंग्ने। गोपाय नो जीवसं जातवेदः॥११॥

जिघारं सत्यमित्रां अघुन्वानीं डते सर्वा अरहंसो वातो हृदे राजत्यग्निरूपाः सुविदानो अंग्र एकं

चक्षुंषो हेते मनंसो हेते। वाचों हेते ब्रह्मंणो हेते। यो मांऽघायुरंभिदासंति। तमंग्ने मेन्या मेनिं कृणा। यो मा चक्षुंषा यो मनंसा। यो वाचा ब्रह्मंणाऽघायुरंभिदासंति। तयाँऽग्ने त्वं मेन्या। अमुमंमेनिं कृणा। यत्किश्चासौ मनंसा यर्च वाचा। य्ज्ञैर्जुहोति यजुंषा हिविभिं:॥१२॥

तन्मृत्युर्निर्ऋत्या संविदानः। पुरादिष्टादाहुंतीरस्य हन्तु। यातुधाना निर्ऋतिरादुरक्षः। ते अस्य घ्रन्त्वनृतेन सत्यम्। इन्द्रेषिता आज्यंमस्य मथ्नन्तु। मा तथ्समृंद्धि यदसौ क्रोतिं। हिन्मं तेऽहं कृत १ हिविः। यो में घोरमचींकृतः। अपाँ औ त उभौ बाहू। अपंनह्याम्यास्यम्॥१३॥

अपं नह्यामि ते बाहू। अपं नह्याम्यास्यम्। अग्नेर्देवस्य ब्रह्मणा। सर्वं तेऽविधषं कृतम्। पुराऽमुष्यं वषद्भारात्। यज्ञं देवेषुं नस्कृधि। स्विष्टम्स्माकं भूयात्। माऽस्मान्प्रापन्न-रातयः। अन्तिं दूरे स्तो अग्ने। भ्रातृंव्यस्याभिदासंतः॥१४॥

वृषद्भारेण वर्त्रेण। कृत्याः हंन्मि कृतामहम्। यो मा नक्तं दिवां सायम्। प्रातश्चाह्रों निपीयंति। अद्या तिमन्द्र वर्त्रेण। भातृंव्यं पादयामिस। इन्द्रंस्य गृहोंऽसि तन्त्वां। प्रपद्ये सगुः सार्श्वः। सह यन्मे अस्ति तेनं। ईडें अग्निं विपश्चितम्॥१५॥

सार्थः। सह यन्म आस्त तना इड आग्न विपाश्चतम्॥१९॥
गिरा यज्ञस्य सार्धनम्। श्रुष्टीवानंन्धितावांनम्। अग्ने श्वकेमं
ते वयम्। यमं देवस्यं वाजिनंः। अति द्वेषार्थसे तरेम।
अवंतं मा समनसौ समोकसौ। सचेतसौ सरेतसौ। उभौ
मामवतञ्जातवेदसौ। शिवौ भंवतम् च नंः। स्वयं कृण्वानः
सुगमप्रयावम्॥१६॥

तिग्मर्श्वक्षेत्रो वृष्भः शोश्चीचानः। प्रत्नः स्थस्थमनु पश्यमानः। आ तन्तुंम्ग्निर्दिव्यं तंतान। त्वन्नस्तन्तुंरुत सेतुंरग्ने। त्वं पन्थां भविस देव्यानः। त्वयाँऽग्ने पृष्ठं व्यमार्रुहेम। अथां देवैः संधुमादं मदेम। उदुंत्तमं मुंमुग्धि नः। वि पाशं मध्यमश्चृत। अवांधुमानि जीवसे॥१७॥

वय सोम व्रते तवं। मनस्तनूषु बिभ्रंतः। प्रजावंन्तो अशीमिह। इन्द्राणी देवी सुभगां सुपर्ली। उद शोन पित्विद्यें जिगाय। त्रिश्शदंस्या ज्ञघनं योजनानि। उपस्थ इन्द्र इस्थिवंरं बिभिति। सेनां हु नामं पृथिवी धंनञ्जया। विश्वव्यंचा अदितिः सूर्यंत्वक्। इन्द्राणी देवी प्रासहा ददांना॥१८॥

सा नो देवी सुहवा शर्म यच्छतु। आत्वांऽहार्षम्नतरंभूः। ध्रुवस्तिष्ठाविंचाचिलः। विशंस्त्वा सर्वा वाञ्छन्तु। मा त्वद्राष्ट्रमिधं भ्रशत्। ध्रुवा द्यौर्ध्रुवा पृथिवी। ध्रुवं विश्वंमिदं जगत्। ध्रुवा हु पर्वता इमे। ध्रुवो राजां विशाम्यम्। इहैवैधि मा व्यंथिष्ठाः॥१९॥

पर्वत इवार्विचाचिलः। इन्द्रं इवेह ध्रुवस्तिष्ठ। इह राष्ट्रमुं धारय। अभितिष्ठ पृतन्यतः। अधेरे सन्तु शत्रंवः। इन्द्रं इव वृत्रहा तिष्ठ। अपः क्षेत्राणि स्अयन्। इन्द्रं एणमदीधरत्। ध्रुवं ध्रुवेणं ह्विषां। तस्मैं देवा अधिब्रवन्। अयं च् ब्रह्मणस्पतिः॥२०॥

ह्विर्भिग्तस्यंमभि दासंतो विपश्चित्मप्रयावञ्चीवसे ददांना व्यथिष्ठा ब्रवन्नेकं च॥———[२]

जुष्टी नरो ब्रह्मणा वः पितृणाम्। अक्षेमव्ययं न किलारिषाथ। यच्छक्नरीषु बृह्ता रवेण। इन्द्रे शुष्ममदेधाथा वसिष्ठाः। पावका नः सरेस्वती। वाजेभिर्वाजिनीवती। यज्ञं वेष्टु धिया वसुः। सरेस्वत्यभिनों नेषि वस्यः। मा पंस्फरीः पर्यसा मा न आधंक्। जुषस्वं नः सुख्यां वेश्यां च॥२१॥

मा त्वक्षेत्राण्यरंणानि गन्म। वृञ्जे ह्विर्नमंसा ब्र्हिर्ग्नौ। अयामि स्रुग्धृतवंती सुवृक्तिः। अम्यक्षि सद्म सदेने पृथिव्याः। अश्रायि यज्ञः सूर्ये न चक्षुः। इहार्वाञ्चमितं ह्वये। इन्द्रं जैत्राय जेतंवे। अस्माकंमस्तु केवंलः। अर्वाञ्चमिन्द्रंम्मुतों हवामहे। यो गोजिद्धंनुजिदंश्वजिद्यः॥२२॥

इमं नो यज्ञं विह्वे जुंषस्व। अस्य कुर्मो हरिवो मेदिनं त्वा। असंम्मृष्टो जायसे मातृवोः शुचिः। मृन्द्रः क्विरुदंतिष्ठो विवंस्वतः। घृतेनं त्वा वर्धयन्नग्न आहुत। धूमस्ते केतुरंभवद्दिवि श्रितः। अग्निरग्रै प्रथमो देवतानाम्। संयोतानामुत्तमो विष्णुंरासीत्। यजमानाय परिगृह्यं देवान्। दीक्षयेद १ हविरा गंच्छतन्नः॥२३॥

अग्निश्चं विष्णो तपं उत्तमं मृहः। दीक्षापालेभ्योऽवनंतुः हि शंका। विश्वेदिवर्यज्ञियैः संविदानो। दीक्षाम्स्मे यजंमानाय धत्तम्। प्र तिद्वष्णुंः स्तवते वीर्याय। मृगो न भीमः कुंचरो गिरिष्ठाः। यस्योरुषुं त्रिषु विक्रमंणेषु। अधि क्षियन्ति भुवंनानि विश्वा। नूमर्तो दयते सिन्ष्यन् यः। विष्णंव उरुगायाय दार्शत्॥२४॥

प्रयः स्त्राचा मनंसा यजांतै। पृतावंन्त्त्रर्यमा विवासात्। विचंक्रमे पृथिवीमेष पृताम्। क्षेत्राय विष्णुर्मनुषे दशस्यन्। ध्रुवासो अस्य कीरयो जनांसः। उरुक्षिति स् सुजिनंमा चकार। त्रिर्देवः पृथिवीमेष पृताम्। विचंक्रमे शृतर्चंसं महित्वा। प्र विष्णुंरस्तु त्वस्स्तवीयान्। त्वेष इह्रांस्य स्थविंरस्य नामं॥२५॥

होतांरं चित्ररंथमध्वरस्यं। यज्ञस्यंयज्ञस्य केतु र रुशंन्तम्। प्रत्यंधिं देवस्यंदेवस्य मृह्रा। श्रिया त्वंग्निमितिंथिं जनांनाम्। आ नो विश्वांभिरूतिभिः सजोषाः। ब्रह्मं जुषाणो हंर्यश्व याहि। वरीवृज्थस्थिविरेभिः सुशिप्र। अस्मे दधृहृषंणु शृष्मंमिन्द्र। इन्द्रेः सुवर्षा जनयन्नहांनि। जिगायोशिग्भिः पृतंना अभि श्रीः॥२६॥

प्रारोचयन्मनंवे केतुमह्नाम्। अविन्दुज्योतिर्बृह्ते रणांय। अश्विनाववंसे निह्नंये वाम्। आ नूनं यांत र सुकृतायं विप्रा। प्रात्युक्तेनं सुवृता रथेन। उपार्गच्छत्मवसार्गतन्नः। अविष्टं धीष्वश्विना न आसु। प्रजावद्रेतो अह्नंयं नो अस्तु। आवां तोके तनये तूर्तुजानाः। सुरत्नांसो देववीतिं गमेम॥२७॥

त्व सोम् ऋतुंभिः सुऋतुंभूः। त्वं दक्षैः सुदक्षों विश्ववंदाः। त्वं वृषां वृष्त्वेभिर्मिहृत्वा। द्युम्नेभिर्द्युम्प्रंभवो नृचक्षाः। अषांढं युथ्सु पृतंनासु पप्रिम्। सुवर्षाम्पस्वां वृजनंस्य गोपाम्। भरेषुजा स्ंक्षिति स्युश्रवंसम्। जयंन्तं त्वामन् मदेम सोम। भवां मित्रो न शेव्यो घृतासुंतिः। विभूतद्यम्न एव या उं सप्रथाः॥२८॥

अर्धा ते विष्णो विदुषां चिद्दध्यः। स्तोमो यज्ञस्य राध्यो ह्विष्मंतः। यः पूर्व्यायं वेधसे नवीयसे। सुमज्जानये विष्णवे ददांशति। यो जातमस्य महतो महि ब्रवात्। सेदु श्रवोभिर्युज्यं चिद्भ्यंसत्। तमुं स्तोतारः पूर्व्यं यथां विद ऋतस्यं। गर्भरं हुविषां पिपर्तन। आऽस्यं जानन्तो नामं चिद्विवक्तन। बृहत्तं विष्णो सुमितं भंजामहे॥२९॥

ड्मा धाना घृतस्रुवंः। हरीं ड्होपंवक्षतः। इन्द्रं स्खतंमे रथें। एष ब्रह्मा प्रतेमहे। विदर्थे शर्सिष्ट् हरीं। य ऋत्वियः प्रते वन्वे। वनुषों हर्यतं मदम्। इन्द्रो नामं घृतन्नयः। हरिंभिश्चारु सेचंते। श्रुतो गण आ त्वां विशन्तु॥३०॥

हरिवर्पसङ्गिरं। आचर्षिणप्रा वृष्भो जनानाम्। राजां कृष्टीनां पुरुहूत इन्द्रं। स्तुतश्रंवस्यन्नवसोपमद्रिक्। युक्ता हरी वृष्णायाँ ह्यर्वाङ्। प्र यिष्मिन्धंवः प्रस्वं यदायन्। आपंः समुद्र रथ्येव जग्मुः। अतंश्चिदिन्द्रः सदंसो वरीयान्। यदी र् सोमः पृणिते दुग्धो अर्शः। ह्वयांमिस त्वेन्द्रं याह्यंर्वाङ्॥ ३१॥

अरंन्ते सोमंस्तुन्वं भवाति। शतंत्रतो मादयंस्वा सुतेषुं। प्रास्मा अव पृतंनासु प्रयुथ्सु। इन्द्रांय सोमाः प्रदिवो विदानाः। ऋभुर्येभिवृषंपर्वा विहायाः। प्रयम्यमाणान्प्रति षू गृंभाय। इन्द्र पिब वृषंधूतस्य वृष्णंः। अहेडमान् उपंयाहि यज्ञम्। तुभ्यं पवन्त इन्दंवः सुतासंः। गावो न वंज्रिन्थ्स्वमोको अच्छुं॥३२॥

इन्द्रा गंहि प्रथमो यज्ञियांनाम्। या तें काकुथ्सुकृंता या वरिष्ठा। यया शश्वित्पवंसि मध्वं ऊर्मिम्। तयां पाहि प्र तें अध्वर्युरंस्थात्। सन्ते वज्रों वर्ततामिन्द्र गव्युः। प्रांतर्युजा वि बोधया अश्विनावेह गंच्छतम्। अस्य सोमंस्य पीतयें। प्रातर्यावांणा प्रथमा यंजध्वम्। पुरा गृध्रादरंरुषः पिबाथः। प्रातर्हि युज्ञमुश्विना दर्धाते। प्रशर्रेसन्ति कवर्यः पूर्वभाजः। प्रातर्यंजध्वमिधनां हिनोत। न सायमंस्ति देवया अर्जुष्टम्। उतान्यो अस्मद्यंजते विचायः। पूर्वः पूर्वो यजमानो वनीयान्॥३३॥

चार्श्वजिद्यो गंच्छतं नो दाशुन्नामांभिश्रीर्गमेम सुप्रथां भजामहे विशन्तु याह्यंर्वाङच्छं पिबाथः

षद्व॑॥₌

नक्तं जाताऽस्योपधे। रामे कृष्णे असिंक्रि च। इद॰ रंजनि रजय। किलासं पिलतं च यत्। किलासं च पिलतं र्च। निरितो नांशया पृषंत्। आ नः स्वो अंश्जुतां वर्णः। परां श्वेतानिं पातया असितं ते निलयंनम्। आस्थानमसितं तर्व॥३४॥

असिक्रियस्योषधे। निरितो नांशया पृषंत्। अस्थिजस्यं किलासंस्य। तुनूजस्यं च यत्त्वचि। कृत्ययां कृतस्य ब्रह्मणा। लक्ष्मं श्वेतमंनीनशम्। सर्रूपा नामं ते माता। सर्रूपो नामं ते पिता। सर्रूपाऽस्योषधे सा। सर्रूपमिदं कृधि॥३५॥

शुन ह्वंम म्घवांन्मिन्द्रम्ं। अस्मिन्भरे नृतंमं वाजंसातो। शृण्वन्तंमुग्रमूतये स्मथ्सं। प्रन्तं वृत्राणि स्ञितं धनांनाम्। धूनुथ द्यां पर्वतान्दाशुषे वसं। नि वो वनां जिहते यामं नो भिया। कोपयंथ पृथिवीं पृंश्विमातरः। युधे यदंग्राः पृषंतीरयंग्ध्वम्। प्रवेपयन्ति पर्वतान्। विविश्वन्ति वन्स्पतीनं॥३६॥

प्रोवारत मरुतो दुर्मदां इव। देवांसः सर्वया विशा। पुरुत्रा हि सहङ्कासी। विशो विश्वा अनुं प्रभु। समर्थ्यु त्वा हवामहे। समथ्स्विग्निमवंसे। वाज्यन्तों हवामहे। वाजेषु चित्रराधसम्। सङ्गेच्छध्वर् संवद्ध्वम्। सं वो मनार्रस जानताम्॥३७॥

देवा भागं यथा पूर्वे। सञ्जानाना उपासंत। समानो मन्नः समितिः समानी। समानं मनः सह चित्तमेषाम्। समानं केतो अभि स॰ रंभध्वम्। संज्ञानेन वो ह्विषां यजामः। समानी व आकूंतिः। समाना हृदंयानि वः। समानमंस्तु वो मनः। यथां वः सुसहासंति॥३८॥

स्ंज्ञानं नः स्वैः। स्ंज्ञान्मरंणैः। स्ंज्ञानंमिश्विना युवम्। इहास्मासु नियंच्छतम्। स्ंज्ञानं मे बृह्स्पतिः। स्ंज्ञानं सविता करत्। स्ंज्ञानंमिश्वना युवम्। इह मह्यं नि यंच्छतम्। उपं च्छायामिव घृणैः। अगंन्म शर्म ते वयम्॥३९॥

अग्रे हिरंण्यसन्दशः। अदंब्धेभिः सवितः पायुभिष्ट्वम्। शिवेभिर्द्य परिपाहि नो गयम्। हिरंण्यजिह्वः सुविताय् नव्यंसे। रक्षा मार्किर्नो अघशर्रस ईशत। मदेमदे हि नो ददुः। यूथा गर्वामृजुकर्तुः। सङ्गृंभाय पुरूशता। उभया हस्त्या वस्। शिशीहि राय आ भर॥४०॥

शिप्रिंन्वाजानां पते। शचींवस्तवं द्रसनाः। आ तू नं इन्द्र भाजय। गोष्वश्वंषु शुभ्रुषुं। सहस्रेषु तुवीमघ। यद्देवा देवहेर्डनम्। देवांसश्चकृमा वयम्। आदित्यास्तस्मांन्मा यूयम्। ऋतस्यर्तेनं मुश्चत। ऋतस्यर्तेनांऽऽदित्याः॥४१॥

यजंत्रा मुश्चतेह माँ। युज्ञैर्वो यज्ञवाहसः। आशिक्षंन्तो न शेकिम। मेदंस्वता यजंमानाः। स्रुचाऽऽज्येंन जुह्वंतः। अकामा वो विश्वेदेवाः। शिक्षंन्तो नोपं शेकिम। यदि दिवा यदि नक्तम्। एनं एन्स्योकंरत्। भूतं मा तस्माद्भव्यं च॥४२॥

द्रुपदादिव मुश्रत्। द्रुपदादिवन्म्म्मचानः। स्विन्नः स्नात्वी मलादिव। पूतं पवित्रेणेवाज्यम्। विश्वे मुश्रन्तु मैनंसः। उद्वयं तमंस्स्परि। पश्यन्तो ज्योतिरुत्तंरम्। देवं देवत्रा सूर्यम्। अगन्म ज्योतिरुत्तमम्॥४३॥

तर्व कृधि वनस्पतीं आनतामसंति वयं भेरादित्याश्च नर्व च॥_____[४]

वृषासो अर्शः पंवते ह्विष्मान्थ्सोमः। इन्द्रंस्य भाग ऋत्यः शतायः। स मा वृषांणं वृष्मं कृणोत्। प्रियं विशार सर्ववीरर सुवीरमं। कस्य वृषां सुते सचां। नियुत्वांन्वृष्मो रंणत्। वृत्रहा सोमंपीतये। यस्ते शृङ्गः वृषोनपात्। प्रणंपात्कुण्डपाय्यः। न्यंस्मिन्दध्र आ मनः॥४४॥ तर सुधीचींकृतयो वृष्णिंयानि। पौर्स्यांनि नियुतः सश्चरिन्द्रम्। समुद्रं न सिन्धंव उक्थशुंष्माः। उरुव्यचंसङ्गिर् आ विशन्ति। इन्द्रांय गिरो अनिशितसर्गाः। अपः

प्रैरंयुन्थ्सगंरस्य बुधात्। यो अक्षेणेव च्किया शचींभिः। विष्वंक्तस्तम्मं पृथिवीमुत द्याम्। अक्षोदयच्छवंसा क्षामंबुध्नम्। वार्णवांतस्तविषीभिरिन्द्रं:॥४५॥

दृढान्यौँघ्रादुशमांन ओजंः। अवांभिनत्ककुभः पर्वतानाम्। आ नो अग्ने सुकेतुनाँ। रियं विश्वायुंपोषसम्। मार्डीकं धेहि जीवसेँ। त्व॰ सोम महे भगम्ँ। त्वं यूनं ऋतायते। दक्षं दधासि जीवसेँ। रथं युञ्जते मुरुतंः शुभे सुगम्। सूरो न मित्रावरुणा गविंष्टिषु॥४६॥

रजारंसि चित्रा विचंरन्ति त्न्यवंः। दिवः संम्राजा पर्यसा न उक्षतम्। वाच्र् सुमित्रावरुणाविरावतीम्। पूर्जन्यंश्चित्रां वंदित् त्विषीमतीम्। अभ्रा वंसत मरुतः सुमाययां। द्यां वंर्षयतमरुणामरेपसम्। अयुंक्त सप्त शुन्ध्युवंः। सूरो रथंस्य नित्रयंः। ताभिर्याति स्वयुंक्तिभिः। विहेष्ठेभिर्विहरंन् यासि तन्तुम्॥४७॥

अवव्ययन्नसितं देव वस्वः। दिविध्वतो र्श्मयः सूर्यस्य। चर्मेवावाधुस्तमो अपस्वन्तः। पूर्जन्याय प्र गांयत। दिवस्पुत्रायं मीदुषें। स नो यवसंमिच्छत्। अच्छां वद त्वसं गीर्भिराभिः। स्तुहि पूर्जन्यं नम्साऽऽविवास। किनेक्रददृष्भो जीरदानुः। रेतो दधात्वोषधीषु गर्भम्॥४८॥ यो गर्भमोषंधीनाम्। गवाँ कृणोत्यर्वताम्। पूर्जन्यः पुरुषीणाँम्। तस्मा इदास्ये हुविः। जुहोता मधुंमत्तमम्। इडाँ नः संयतं करत्। तिस्रो यदंग्ने शुरद्स्त्वामित्। शुचिं घृतेन शुचयः सप्यन्। नामांनि चिद्दधिरे युज्ञियांनि। असूदयन्त तनुवः सुजांताः॥४९॥

इन्द्रंश्च नः शुनासीरो। इमं युज्ञं मिंमिक्षतम्। गर्भं धत्त इस्वस्तये। ययोरिदं विश्वं भुवनमा विवेशं। ययोरान्नदो निहितो महंश्च। शुनांसीरावृतुभिः संविदानो। इन्द्रंवन्तो हिविर्दं जुंषेथाम्। आघाये अग्निमिन्धते। स्तृणन्तिं बर्हिरांनुषक्। येषामिन्द्रो युवा सखाँ। अग्न इन्द्रंश्च मेदिनां। हथो वृत्राण्यंप्रति। युव हि वृत्रहन्तंमा। याभ्या हस्वर्ष्णं युवर्त्तंयन्नग्रं एव। यावांतस्थतुर्भ्वंनस्य मध्यें। प्रचंर्षणी वृषणा वर्ज्ञंबाहू। अग्नी इन्द्रांवृत्रहणां हवे वाम्॥५०॥

मन इन्द्रो गविष्टिषु तन्तुं गर्भः स्वांताः सखां सम चं॥———[५]

उत नंः प्रिया प्रियासुं। सप्तस्वसा सुजुंष्टा। सरंस्वती स्तोम्यांऽभूत्। इमा जुह्वांनायुष्मदा नमोंभिः। प्रति स्तोमर्थ

सरस्वति जुषस्व। तव् शर्मन्प्रियतंमे दर्धानाः। उपस्थेयाम

शर्णं न वृक्षम्। त्रीणिं पदा विचंक्रमे। विष्णुंर्गोपा अदाँभ्यः। ततो धर्माणि धारयन्॥५१॥

तदंस्य प्रियम्भि पाथों अश्याम्। नरो यत्रं देवयवो मदंन्ति। उरुक्रमस्य स हि बन्धुंरित्था। विष्णौः पदे पर्मे मध्व उथ्मः। कृत्वादा अस्थु श्रेष्ठः। अद्य त्वां वन्वन्थ्सुरेक्णौः। मर्त आनाश सुवृक्तिम्। इमा ब्रह्म ब्रह्मवाह। प्रिया त आ बर्हिः सींद। वीहि सूर पुरोडाशम्॥५२॥

उपं नः सूनवो गिरंः। शृण्वन्त्वमृतंस्य ये। सुमृडीका भंवन्तु नः। अद्या नो देव सवितः। प्रजावंध्सावीः सौभंगम्। परां दुष्वप्रियः सुव। विश्वांनि देव सवितः। दुरितानि परां सुव। यद्भद्रं तन्म आ सुंव। शुचिंमुर्केर्बृह्स्पतिम्॥५३॥

अध्वरेषुं नमस्यत। अनाम्योज् आ चंके। या धारयंन्त देवा सुदक्षा दक्षंपितारा। असुर्याय प्रमंहसा। स इत् क्षेति सुधित ओकंसि स्वे। तस्मा इडां पिन्वते विश्वदानीं। तस्मै विशंः स्वयमेवानंमन्ति। यस्मिन्ब्रह्मा राजंनि पूर्व एतिं। सक्तिमिन्द्र सच्युंतिम्। सच्युंतिं ज्यनंच्युतिम्॥५४॥

कुनात्काभान्न आ भंर। प्रयपस्यित्रंव सुक्थ्यौं। वि

नं इन्द्र मृधों जिहि। कनींखुनिदव सापयन्। अभि नः सृष्टुंतिं नय। प्रजापंतिः स्त्रियां यशः। मुष्कयोरदधाथ्सपम्। कामंस्य तृप्तिमानन्दम्। तस्याश्चे भाजयेह मा। मोदः प्रमोद आनन्दः॥५५॥

मुष्कयोर्निहिंतः सपंः। सृत्वेव कामंस्य तृप्याणि। दक्षिणानां प्रतिग्रहे। मनसश्चित्तमाकूंतिम्। वाचः सत्यमंशीमहि। पृशूनाः रूपमन्नंस्य। यशः श्रीः श्रंयतां मियं। यथाऽहम्स्या अतृंपः स्त्रिये पुमान्। यथा स्री तृप्यंति पुःसि प्रिये प्रिया। एवं भगंस्य तृप्याणि॥५६॥

यज्ञस्य काम्यः प्रियः। ददामीत्यग्निर्वदित। तथेति वायुराह्
तत्। हन्तेति सत्यं चन्द्रमाः। आदित्यः सत्यमोमिति।
आपुस्तथ्सत्यमा भेरन्। यशो यज्ञस्य दक्षिणाम्। असौ
मे कामः समृद्धताम्। न हि स्पश्मविदन्नन्यम्स्मात्।
वैश्वानुरात्पुरपुतारम्भेः॥५७॥

अथेममन्थन्नमृत्ममूराः। वैश्वान्रं क्षेत्रजित्यांय देवाः। येषांमिमे पूर्वे अर्मास् आसन्। अयूपाः सद्म विभृता पुरूणि। वैश्वानर् त्वया ते नुत्ताः। पृथिवीम्न्याम्भितंस्थुर्जनांसः। पृथिवीं मातरं महीम्। अन्तरिक्षमुपं ब्रुवे। बृह्तीमूतये दिवम्। विश्वं बिभर्ति पृथिवी॥५८॥

अन्तिरिक्षं वि पंप्रथे। दुहे द्यौर्बृह्ती पर्यः। न ता नंशन्ति न दंभाति तस्कंरः। नैनां अमित्रो व्यथिरादंधर्षति। देवा इश्च याभिर्यजते ददांति च। ज्योगित्ताभिः सचते गोपंतिः सह। न ता अर्वा रेणुकंकाटो अश्जते। न सईस्कृत्त्रमुपं यन्ति ता अभि। उरुगायमभेयं तस्य ता अनुं। गावो मर्त्यंस्य वि चंरन्ति यज्वनः॥५९॥

रात्री व्यंख्यदायती। पुरुत्रा देव्यंक्षभिः। विश्वा अधि श्रियोऽधित। उपं ते गा इवाकंरम्। वृणीष्व दुंहितर्दिवः। रात्री स्तोमं न जिग्युषीं। देवीं वाचंमजनयन्त देवाः। तां विश्वरूपाः पृशवों वदन्ति। सा नों मृन्द्रेष्मूर्जं दुहांना। धेनुर्वागुस्मानुष सुष्टुतैतुं॥६०॥

यद्वाग्वदंन्त्यविचेत्नानिं। राष्ट्रीं देवानां निष्सादं मन्द्रा। चतंस्र ऊर्जं दुदुहे पयार्श्सा। क्षं स्विदस्याः पर्मं जंगाम। गौरी मिमाय सल्लिलानि तक्षंती। एकंपदी द्विपदी सा चतुंष्पदी। अष्टापंदी नवंपदी बभूवुषीं। सहस्राक्षरा पर्मे व्योमन्। तस्यार्थ समुद्रा अधि विक्षंरन्ति। तेनं जीवन्ति प्रदिशश्चतंस्रः॥६१॥

ततः क्षरत्यक्षरम्। तिद्वश्वमुपं जीवति। इन्द्रासूरां जनयंन्विश्वकंर्मा। मुरुत्वारं अस्तु गुणवांन्थ्सजातवान्। अस्य स्रुषा श्वशुंरस्य प्रशिष्टिम्। स्पला वाचं मनंसा उपांसताम्। इन्द्रः सूरों अतर्द्रजारंसि। स्रुषा सपला श्वशंरोऽयमंस्तु। अयर शत्रूं अयत्द्रजारंसि। स्रुषा सपला श्वशंरोऽयमंस्तु। अयर शत्रूं अयतु जर्हंषाणः। अयं वाजं जयतु वाजंसातौ। अग्निः क्षंत्रभृदिनंभृष्टमोजंः। स्हस्त्रियों दीप्यतामप्रयुच्छन्। विभ्राजंमानः सिमधा न उग्रः। आऽन्तरिक्षमरुहदगुन्द्याम्॥६२॥

धारयंन्युरोडाश्ं बृह्स्पतिं ज्ञावनंच्युतिमान्नदो भगस्य तृप्याण्युग्नेः पृथिवी यज्वंन एतु प्रदिश्श्चतंस्रो

वार्जसातौ चुत्वारिं च॥———[६]

वृषाँ उस्य १ शुर्वृष्मायं गृह्यसे। वृषा उयमुग्रो नृचक्षंसे। दिव्यः केर्मृण्यो हितो बृहन्नामं। वृष्मस्य या कुकुत्। विषूवान् विष्णो भवतु। अयं यो मामको वृषाँ। अथो इन्द्रं इव देवेभ्यः। वि ब्रंवीतु जनेंभ्यः। आयुंष्मन्तुं वर्चस्वन्तम्।

अथो अधिपतिं विशाम्॥६३॥

अस्याः पृथिव्या अध्यक्षम्। इमिनिन्द्र वृष्मं कृण्। यः सृश्कः सुवृष्मः। कृत्याणो द्रोण आहितः। कार्षीवल प्रगाणेन। वृष्मेणं यजामहे। वृष्मेण यजमानाः। अकूरेणेव सर्पिषां। मृद्धेश्च सर्वा इन्द्रेण। पृतनाश्च जयामसि॥६४॥

यस्यायमृष्भो ह्विः। इन्द्रांय परिणीयतें। जयांति शत्रुंमायन्तम्ं। अथो हन्ति पृतन्यतः। नृणामहं प्रणीरसंत्। अग्रं उद्भिन्दतामंसत्। इन्द्र शुष्मं तनुवा मेर्रयस्व। नीचा विश्वां अभितिष्ठाभिमातीः। नि शृंणीह्याबाधं यो नो अस्ति। उरुं नो लोकं कृंणुहि जीरदानो॥६५॥

प्रेह्मिभ प्रेहि प्र भंग सहंस्व। मा विवेनो वि शृंणुष्वा जनेषु। उदींडितो वृंषभ तिष्ठ शुष्मैंः। इन्द्र शत्रूंन्पुरो अस्माकं युध्य। अग्रे जेता त्वं जंय। शत्रूंन्थ्सहस् ओजंसा। वि शत्रून् विमुधो नुद। एतं ते स्तोमं तुविजात विप्रंः। रथं न धीरः स्वपा अतक्षम्। यदीदंग्रे प्रतित्वं देव हर्याः॥६६॥

सुवंर्वतीर्प एंना जयेम। यो घृतेनाभिमांनितः। इन्द्र जैत्राय जित्रेषे। स नः सङ्कांसु पारय। पृतनासाह्येषु च। इन्द्रों जिगाय पृथिवीम्। अन्तरिक्ष्यः सुवंर्महत्। वृत्रहा पुरुचेतनः। इन्द्रों जिगाय सहंसा सहारंसि। इन्द्रों जिगाय पृतनानि विश्वा॥६७॥

इन्द्रों जातो वि पुरों रुरोज। स नंः पर्स्पा वरिवः कृणोतु। अयं कृत्रुरगृंभीतः। विश्वजिदुद्भिदिथ्सोमंः। ऋषिर्विप्रः काव्येन। वायुरंग्रेगा यंज्ञप्रीः। साकङ्गन्मनंसा यज्ञम्। शिवो नियुद्धिः शिवाभिः। वायो शुक्रो अंयामि ते। मध्वो अग्रं दिविष्टिषु॥६८॥

आ यांहि सोमं पीतये। स्वारुहो देव नियुत्वंता। इमिनंद्र वर्धय क्षित्रयांणाम्। अयं विशां विश्पतिंरस्तु राजां। अस्मा इंन्द्र मिह वर्चा १सि धेहि। अवर्च सं कणुिह शत्रुं मस्य। इममा भंज ग्रामे अश्वेषु गोषुं। निर्मुं भंज योऽिमत्रों अस्य। वर्ष्मन् क्षत्रस्यं ककुिभं श्रयस्व। ततों न उग्रो वि भंजा वसूं नि॥६९॥ अस्मे द्यांवापृथिवी भूिरं वामम्। सन्दुंहाथां धर्मदुधेव धेनुः। अय राजां प्रिय इन्द्रंस्य भूयात्। प्रियो

गवामोषंधीनामुतापाम्। युनज्मिं तं उत्तरावंन्त्मिन्द्रम्। येन् जयांसि न परा जयांसै। स त्वांऽकरेकवृष्भः स्वानांम्। अथो राजन्नुत्तमं मान्वानाम्। उत्तर्स्त्वमधेरे ते स्पन्नाः। एकंवृषा इन्द्रंसखा जिगीवान्॥७०॥

विश्वा आशाः पृतंनाः स्ञ्जयं जयन्। अभि तिष्ठ शत्र्यतः संहस्व। तुभ्यं भरन्ति क्षितयो यविष्ठ। बिलिमंग्ने अन्तित् ओत दूरात्। आ भन्दिष्ठस्य सुमृतिं चिकिद्धि। बृहत्ते अग्ने मिह् शर्म भूद्रम्। यो देह्यो अनंमयद्वध्स्तैः। यो अर्यपत्नीरुषसंश्वकारं। स निरुध्या नहुंषो यह्वो अग्निः। विशंश्वके बलिहृतः सहोभिः॥७१॥

प्र सद्यो अंग्ने अत्येष्य्न्यान्। आविर्यस्मै चारुंतरो ब्भूथं। ईडेन्यो वपुष्यो विभावा। प्रियो विशामितिथिर्मानुंषीणाम्। ब्रह्मंज्येष्ठा वीर्या सम्भृतािन। ब्रह्माग्ने ज्येष्ठं दिवमा ततान। ऋतस्य ब्रह्मं प्रथमोत जंज्ञे। तेनांर्हित ब्रह्मंणा स्पर्धितुङ्कः। ब्रह्मं सुचो घृतवंतीः। ब्रह्मंणा स्वरंवो मिताः॥७२॥ ब्रह्मं यजस्य तन्तवः। ऋत्विजो ये हिविष्कतः।

ब्रह्मं युज्ञस्य तन्तंवः। ऋत्विजो ये हंविष्कृतंः। शृङ्गाणीवेच्छृङ्गिणा सन्दंदिश्रिरे। चषालंवन्तः स्वरंवः पृथिव्याम्। ते देवासः स्वरंवस्तस्थिवा स्संः। नमः सर्खिभ्यः सन्नान्मा ऽवंगात। अभिभूरग्निरंतर्द्रजा स्सि। स्पृधो विहत्य पृतंना अभिश्रीः। जुषाणो म् आहुंतिं मामहिष्ट। हृत्वा सपत्नान् वरिवस्करन्नः। ईशानं त्वा भुवनानामभिश्रियम्। स्तौम्यंग्र उरुकृतर् सुवीरम्। ह्विर्जुषाणः सपत्नार् अभिभूरंसि। जुहि शत्रूर् रप् मृधो नुदस्व॥७३॥

विशां जंयामिस जीरदानो हर्या विश्वा दिविष्टिषु वसूनि जिगीवान्थ्सहौंभिर्मिता नंश्चत्वारि

स प्रत्वन्नवीयसा। अग्नै द्युम्नेने स्यता। बृहत्तंतन्थ भानुना। नवं नु स्तोमंम्ग्नये। दिवः श्येनायं जीजनम्। वसोः कुविद्वनाति नः। स्वारुहा यस्य श्रियो दृशे। र्यिर्वीरवंतो यथा। अग्ने यज्ञस्य चेतंतः। अदाभ्यः पुरएता॥७४॥

अग्निर्विशां मानुंषीणाम्। तूर्णी रथः सदा नवंः। नव्र् सोमाय वाजिनें। आज्यं पर्यसोऽजिन। जुष्ट्र् शुचिंतम् वसुं। नवर्र् सोम जुषस्व नः। पीयूषंस्येह तृंण्णुहि। यस्ते भाग ऋता व्यम्। नवंस्य सोम ते व्यम्। आ सुंमृतिं वृंणीमहे॥७५॥

स नो रास्व सहस्रिणः। नवर् ह्विर्जुषस्व नः। ऋतुभिः सोम् भूतंमम्। तदुङ्ग प्रतिहर्य नः। राजन्थ्सोम स्वस्तये॥ नव्र्स्तोम्त्रवर् ह्विः। इन्द्राग्निभ्यां नि वेदय। तञ्ज्षेषतार् सर्वेतसा। शुचिं नु स्तोमं नवंजातम्द्य। इन्द्रांग्नी वृत्रहणा जुषेथांम्॥७६॥

उभा हि वार् सुहवा जोहंवीमि। ता वाजर सद्य उंश्ते धेष्ठां। अग्निरिन्द्रो नवंस्य नः। अस्य ह्व्यस्यं तृप्यताम्। इह देवौ संहुस्निणौं। युज्ञं न आ हि गच्छंताम्। वसुंमन्तर सुवर्विदम्। अस्य ह्व्यस्यं तृप्यताम्। अग्निरिन्द्रो नवंस्य नः। विश्वान्देवाइस्तंप्यत॥७७॥

ह्विषोऽस्य नवंस्य नः। सुव्विदो हि जंजिरे। एदं बर्हिः सुष्टरीमा नवंन। अयं यज्ञो यजमानस्य भागः। अयं बंभूव भुवंनस्य गर्भः। विश्वे देवा इदम्द्यागंमिष्ठाः। इमे नु द्यावांपृथिवी समीचीं। तुन्वाने यज्ञं पुरुपेशंसन्धिया। आऽस्मे पृणीतां भुवंनानि विश्वां। प्रजां पुष्टिंम्मृतं नवंन॥७८॥

इमे धेनू अमृतं ये दुहातैं। पर्यस्वत्युत्तरामेतु पुष्टिः। इमं यज्ञं जुषमाणे नवेन। समीची द्यावापृथिवी घृताचीं। यविष्ठो हव्यवाहेनः। चित्रभानुर्घृतास्तिः। नवंजातो वि रोचसे। अग्रे तत्ते महित्वनम्। त्वमंग्रे देवताभ्यः। भागे देव न मीयसे॥७९॥

स एना विद्वान् यंक्ष्यसि। नव् स्तोमं जुषस्व नः। अग्निः प्रंथमः प्राश्नांतु। स हि वेद यथां ह्विः। शिवा अस्मभ्यमोषंधीः। कृणोत्ं विश्वचंर्षणिः। भुद्रान्नः श्रेयः समनेष्ट देवाः। त्वयांऽवसेन् समंशीमहि त्वा। स नों मयोभूः पितो आ विंशस्व। शं तोकायं तनुवें स्योनः। एतमु त्यं मधुना संयुतं यवम्। सर्स्वत्या अधिमनावंचकृषुः। इन्द्रं आसीथ्सीरंपतिः श्तकंतुः। कीनाशां आसन्म्रुतः सुदानंवः॥८०॥

पुर्णता वृंणीमहे जु्षेथाँन्तर्पयतामृत्त्रवेन मीयसे स्योनश्चत्वारि च॥————[८]

जुष्टश्चश्चेषो जुष्टींनरो नक्तञ्जाता वृषास उत नो वृषांऽस्य १ शः सप्रंत्रवद्ष्टौ॥८॥ जुष्टो मृन्युर्भगो जुष्टी नरो हरिवर्पसङ्गिरः शिप्रिंन्वाजानामुत नेः प्रिया यद्वाग्वदंन्ती विश्वा आशा अशीतिः॥८०॥

जुष्टंः सुदानंवः॥

हरिंः ओम्॥

॥इति श्रीकृष्णयजुर्वेदीयतैत्तिरीयब्राह्मणे द्वितीयाष्टके चतुर्थः प्रपाठकः समाप्तः॥ This PDF was downloaded from http://stotrasamhita.github.io.

 ${\sf GitHub:} \quad {\sf http://stotrasamhita.github.io} \quad | \quad {\sf http://github.com/stotrasamhita}$

Credits: http://stotrasamhita.github.io/about/